



宣統郿縣志



(清)

李帶雙  
沈錫榮

原本  
增補

本書十八卷首一卷，清宣統元年  
（一九〇九）增補乾隆本。據宣統二  
年（一九一〇）陝西圖書館鉛印本影  
印。

乾隆四十三年畢撫憲重修郿志原序

郿縣志卷首

明萬歷中劉九經撰郿志王文簡公稱之今版已不存藏書家或有其書徵引富雅多合地理而紀載稍似碎雜類於說部之書嗣後

國朝順治十四年康熙九年雍正十一年皆重修又閱四十餘年之久政風民俗闕如未備余故令重爲續纂成書十四篇次第爲十八卷文不甚多於九經之志而萬歷以前九經所有者有之九經所無者增補十之二三若萬歷以後文獻可徵者又無論已昔賢謂宋子京作史文簡事繁最爲難得此其然乎郿有太白山余忝莅封疆日來偶遇旱潦祈禱踵驗故特請於

朝蒙

加封號又

欽頒御書扁額詩篇報功崇德超軼前代又郿人橫渠先生爲關中正學之宗二程子稱道於前朱子表章於後皆宜大書特書故此書特爲靈感錄道統

錄爲方州小志之創體其它體例與九經之志亦全判然已纂此書者爲吳郡張舍人若搜羅近迹邑令李君帶雙與有勞焉書成喜爲序之如前方賜進士及第兵部侍郎巡撫陝西都察院右副都御史鎮洋畢沅序

### 重修郿縣志自敘

夫邑之有志乘猶人之有耳目也無耳目則視聽俱廢奚以辨聲察色審清濁而別妍媸無志乘則文獻失傳何以攷古證今示彰瘕以勵風俗己酉春余奉檄來署邑篆下車檢閱邑乘見爲乾隆四十三年前任李君帶雙所修者印板剝蝕城池山水等圖至地名方向不可辨且自乾隆以迄於今我朝聖聖相承歷經七代一百數十餘年郿雖僻邑其名宦之政績鄉賢之著述與夫孝義之士家庭播爲美談節烈之風閭里傳爲盛事流風餘韻豈無可法可傳足以感發人心激勵末俗者若不亟爲表章不幾湮沒不彰愈久而愈不可攷乎第緣瓜代期促不獲從容採訪爰略爲摭拾以補其闕並取前志字之模糊者校正之圖之蒙混者清釐之改用石印以便囊携而新耳目此都人士流覽斯篇者其亦景仰前賢爭自奮勵獻之於廷爲國家資柱石修之於家爲鄉黨樹模型將見士風日上民俗日純蒸蒸日上漸臻於古此則

余之厚望也夫是爲序

宣統元年歲在屠維作噩律應南呂之月山陰沈錫榮識於古郇州官廨鑑古

齋之觀風省俗軒

恭頌 邑侯沈公重刊縣志德政序

昔橫渠令雲巖立月吉會而政事修馮伉宰醴泉著諭蒙書而民風化循聲  
偉績數百年來人爲之稱頌不絕予觀夫往昔賢哲因不禁穆然於 邑尊  
沈公矣夫 公浙人也簪纓世胄閱名門服官三省歷至有聲己酉春檄  
委攝郿篆以出衆之才具膺斯簡邑缺雖清苦異常而 公則安之若素甫  
下車即以民事不可緩爲念由是而寬猛相濟教養兼施修 文廟以昌  
聖學勸農桑以厚民生固城防以資捍禦開渠道以興水利他若振興學校  
表章先賢詢民疾苦如保赤子良法美意筆難盡述蓋得如此以治一邑則  
一邑治如此以治一郡則一郡治以次類推即令我 公宰割天下豈患國  
之不治耶公餘之暇檢閱邑乘見爲乾隆時舊鐫版已漶漫不免魯魚亥豕  
之訛爰改爲石印以資攷據是舉也非 邑侯不克正志書之誤非志書無  
以表 邑侯之賢推原其心 公殆欲搜羅往蹟以徵文攷獻非但足以嘉

惠士林亦並欲草野隴畝之衆家喻戶曉共爲之觀感而興起也方今

聖天子宵旰勤勞勵精圖治興學育才闡揚幽隱治教之昌明將軼唐虞而超  
今古我公稽古崇文重修志乘將膠庠均聞雅頌之聲閭里共識豆觴之  
意實爲有裨

聖化而我公激勵人心維持世道之苦衷即於斯可概見矣讀斯志者能不  
共深欽感耶爰拜手而爲之序

統宣元年歲次己酉季秋月上浣治下受業白慶雲頓首拜

目錄

卷首

圖 縣圖 城圖 太白山圖 水利圖 張氏墳圖

卷一

地錄第一之上 縣之沿革 山

卷二

地錄第一之下 水 溝渠有增補 物產

卷三

太白山靈感錄第二 續騰雨記

卷四

政錄第三之上 戶口保甲 城池 官廨 倉儲 學校 壇廟以上均有增補 田賦 兵馬

卷五

政錄第三之中 官師

卷六

政錄第三之下 選舉 從祀 賜諡 封贈 蔭襲 賞卹

續政錄宣統元年

卷七

古迹徵信錄第四

卷八

金石遺文錄第五之上

卷九

金石遺文錄第五之下

續金石遺文錄宣統元年

卷十

白起井丹三法魯芝傳錄第六

卷十一

三魯二馬二邱三王傳錄第七

卷十二

張氏傳錄第八

卷十三

張氏道統錄第九之上

卷十四

張氏道統錄第九之下

卷十五

郭伯玉以下諸人傳錄第十

續孝義錄宣統元年

部

系

志

卷目

五

陝西圖書館排印

卷十六

列女傳錄第十一

續節烈錄宣統元年

卷十七

僑隱傳錄第十二

諧異傳錄第十三

卷十八

舊志賸錄第十四

補遺各類宣統元年

右吳中張舍人兄重纂郟志十八卷削槁於乾隆四十三年秋八月輟簡於明年春三月記傳之魚雅綱目之賅備較劉侍御本古人不及今人矣舍人兄以著述三長廻翔

秘閣此雖方州小志其筆墨不苟有如此者而帶雙采掇文獻矢公矢慎藉仰副  
大中丞補蔽鴻業之至意亦與有榮焉故急爲開雕以廣其傳是月望日已  
亥知郿縣事海豐李帶雙謹識

附錄張志八景

武侯陣法

案八陣蹟不聞在五丈原劉志已涉附會今五丈原隸岐山亦不隸郿也八景土人所樂言故錄於此

郿伯井田

太白池光

渭濱桃浪

雨雲玉帶

晴靄翠眉

魚洞仙音

鳳泉神澤

地錄第一之上

郿縣志卷一

縣之沿革

郿縣今隸陝西之鳳翔府

一統志在府東南一百十里東西距九十里南北距二百九十里東至西安府盩厔縣界六十里西至岐山縣界三十里南至太白山五十里北至扶風縣界十里東南至盩厔縣界六十里西南至岐山縣界六十里東北至扶風縣界二十五里西北至岐山縣界十五里

鳳翔府志府東南一百五里廣七十五里袤六十五里東至西安府盩厔縣界六十里南至漢中府洋縣以太白山嶺爲界縣城距山路五十里西至岐山縣界十五里北至扶風界十五里

陳志郿在明爲小縣在

本朝稱中縣

張志東至盤屋縣以青花鎮為界六十里西至岐山縣以五會寺為界十五里南至太白山巔為界五十里北至扶風縣以高王寺為界十五里東南至盤屋縣以譚家寨為界六十五里西南至岐山縣以斜谷內桃川為界三十里東北至扶風縣以牛蹄為界二十里西北至岐山縣以桃源邨為界十五里廣渭南七十五里渭北三十五里袤六十五里山口止四十里至府一百里至省二百五十里至京師二千八百里

周之先封國曰郃

詩即有郃家室

史記周本紀周后稷名棄其母有邵氏女曰姜原

正義曰邵天來切亦作藪

帝舜曰棄黎

民始飢爾后稷播時百穀封棄於邵

徐膺曰今藪鄉在扶風索隱曰邵即藪古今字異耳

說文邵炎帝之後姜姓所封周棄外家國从邑台聲右扶風藪縣是也

案後漢無郃縣并入藪許慎據前漢地理而言

其地亦曰郟

詩申伯信邁王餞于郟

案春秋莊公二十八年冬築郟左傳築郟匪都也凡邑有宗廟先君之主曰都無曰邑邑曰築都曰城杜預曰魯下邑是與此郟又是二邑或言紂所徙經無明文不可訓也

劉志微郟同音而通用

案郟亦作微者此魯之郟也若此地之郟顏師古亦音媚不聞通作微也

劉志或曰郟國卽詩所謂郟國也

案郟周武王子所封國自在晉地何得言在於此處此因漢有柁邑縣同隸右扶風而唐時復曾改郟郡爲郟州故附會其說顏師古曰柁讀與荀同自是別邑匪郟侯賈伯之伐晉者

又案柁从木者不見許氏說文亦是郟字之譌故唐有郟州本乎此但與伐

晉之郇別是一邑

秦置縣曰榮

後漢書劉昭注秦是榮縣後省

亦曰郟

史記白起傳郟人也

玉海山西出將白起郟人 此見漢書贊

亦曰平陽

帝王世紀秦寧公都平陽

史記秦本紀寧公二年公徙居平陽 徐廣曰郟之平陽亭也

案平陽亭後漢猶沿其名先主封孫德為平陽亭侯是也

通典郟漢舊縣秦寧公徙都平陽即此

括地志平陽故城在岐州岐山縣西四十六里